



Synfocity = 526

mail us at : mzsynfo@gmail.com; mizoramsynod@gmail.com - Phone - 2314648

5th March, 2015

□ **KTP Rorel Inkhawm Vawi 6-na a tiak ta**

February 27 - 1 March, 2015 khan KTP Rorel Inkhawm vawi 6-na, Mission Veng Kohhran Biak In-ah tuang taka neih a ni. Rorel Inkhawm hi General Conference neih loh kum apiangin neih thin a ni.

February 27, 2015 (Zirtawpni) zana Palai lawm leh Reports Inkhawm neih a ni a, Rev. Lalzuithanga, Senior Executive Secretary-in 2015 - 2016 Kum puan thupui kaihhraina bu 'Krista tana danglam ngam' (Rom 12:1) tih leh hemi behchhana siam 'Doctor Fanu' tih film chu Pathian hnenah hlanin a tlangzarh. Kumpuan thupui behchhana film siam hi Bawngkawn Chhim Veng Branch buatsaih a ni a, an ni hi kum 2013 - 2014 Kum puan film insiamsiaka lawmman pakhatna 'Guardian Angel' latute kha an ni. Inkhawm banah hian Youth Recreation Centre (YRC) chungchang inhrihfhahna neih a ni baw. February 28, 2015 (Inrinni) khan Rorel Inkhawm neih a ni a, palai 828 an kal a ni. February 28, 2015 (Inrinni) zan atanga March 2, 2015 (Pathianni) zan thleng Pathian Biak Inkhawm neih thin a ni a, Rev. Lalrinmawia, Synod Moderator; Rev. P.C. Pachhunga, Executive Secretary i/c KTP; Rev. J. Lalremsiama, CKTP Leader leh Pu Samuel Laldingliana, CKTP Asst. Leader ten Pathian thuchah an sawi a, Inrinni zan inkhawm ban Fellowship-ah T.Upa Richard B. Lalhriatpuia, CKTP Commt. Member-in 'KTP leh Social Media' tih thupui hmangin thu a sawi baw. Pathianni zan inkhawm banah Fellowship leh Praise and Worship hun hlawkthlak tak hman a ni baw.

Thurelte :

1. Youth Recreation Centre (YRC) pualin budget Aizawl khawpui chung atan member pakhatat Rs. 50/-, District Capital tan Rs. 30/- leh a dang zawng tan Rs. 20/- siam ni rawh se.
2. Youth Recreation Centre (YRC) pualin Thawhtan zan inkhawm thawhlawm tum khat ram pum huapin lak khawm ni rawh se.
3. Central KTP-in ram pum huapin Zoram tan chaw ngheia sual thupha chawi tawngtai rual buatsaih rawh se.
4. Kum 2015 chhungin KTP vawi khat inkhawm thawhlawm Synod Hospital Charity Fund atan pek ni rawh se.
5. KTP Rorel Inkhawm neihna hmun chungchangah, CKTP-in remchang a tihna hmuna neih tura tih a ni.
6. Central KTP-in Orchestra Band din dan ngaihtuah rawh se.
7. Kum 2017-a KTP Rorel Inkhawm vawi 7-na thlengtu tur - Bawngkawn Kohhran. A hun - March 3-5, 2017
8. Kum 2015-16 Central KTP budget - Rs. 43,30,000/-

2014 Bial Reports Khaikhawmna thenkhatte :-

- | | |
|---|--|
| 1. Branch awm zat | - 816 (Mizoram chung : 776, Mizoram pawn : 40) |
| 2. Bial awm zat | - 187 (Mizoram chung : 179, Mizoram pawn : 8) |
| 3. KTP member awm zat | - 1,38,871 (Mipa : 87,100, Hmeichhia : 51,771) |
| 4. Member thi zat | - 428 (Mipa : 388, Hmeichhia : 40) |
| 5. Nupui pasal nei zat | - 4,067 |
| a) Biak In-a innei (40.57%) | - 1,650 |
| b) Hmun danga innei (59.42%) | - 2,417 |
| 6. Thawhtan zan KTP inkhawm zat | - 30,740.83 (22.68%) |
| 7. Missionary-a chhuak thar zat (SMB hnuai) | - 183 |
| 8. Missionary-a chhuak thar zat (SMB hnuai ni lo) | - 107 |

KTP Rorel Inkhawm hi Synod Information & Publicity (Synfo)-in video-in an cover a, Hruaina Eng Channel-ah Live a pekchhuah thin a ni a, Inrinni zan atangin Zonet Cable-ah Live a pekchhuah thin a ni baw.

□ **MTC-in Mission Seminar buatsaih**

February 27, 2015 (Zirtawpni) khan chawhma dar 11:30 atanga tanin Synod Conference Centre-a Pi Zaii Hall-ah Synod Missionary Training Centre chuan Mission Seminar a buatsaih.

Seminar hi session thuma then a ni a. Session khatna hi Rev. P.C. Pachhunga, Executive Secretary i/c Mission-in a kaihruai a. 'Missionary Training : Thlirletna leh Thlirlawkna' tih paper Rev. Dr. K. Lalrinkima, Principal buatsaih chu zir ho a ni. Chhun chawlh zawhin session nhihna hi chawhnu dar 1-ah tan leh a ni a, Rev. Lalchhuanmawia, Mission Board Secretary-in a kaihruai a. 'Mission hnaa Pathian Biak pawimawhna' tih paper Rev. Zosangliana Colney, Director, SMTC buatsaih zir ho leh a ni. Session thumna hi Sawihona hun atan hman a ni a, Rev. K. Lalhmingliana, MTC Lecturer kaihhrainain sawihona hun hlawkthlak tak hman a ni.

Hun tawp hmain Rev. Lalrintluanga, Organising Committee member-in lawmthu a sawi a, hun tihtawp a ni.

He seminar-ah hian Aizawl khawpui chung Pastor leh Kohhran hruaitute sawm an ni a, heng bakah hian sawm bik mi engemaw zat nen mi 170 vel an tel a ni.

□ **Kohhran Hmeichhiaten Charity Fund hlan**

March 2, 2015 (Thawhtanni) khan Central Kohhran Hmeichhe hruaituten Synod Hospital, Durtlangah Kohhran Hmeichhe hmangin Charity Fund an hlan. He Charity Fund hi kum 2014 chhunga Charity Fund puala an thawh khawm leh hemi puala inkhawm vawi nhii thawhlawm an lak khawm te a ni a, a vaiin Rs.6,23,133/- (Nuai ruk singnih sangthum za sawmthum leh pathum) a ni.

Presbyterian Kohhran Hmeichhiate hian Central Committee kal tlangin kum 2012 atang tawh khan Hospital Charity Fund hi an lo pe thin a. He Charity Fund hi dinhmun harsa, damlo mahni inenkawl thei lote chhawmdawl nan Hospital hian tangkai takin a lo hmang tawh thin a. Kohhran Hmeichhia chuan he rawngbawlna hi chhunzawm zelin Inkhawmpui kaltlangin a policy hi a siam thin a ni.

Kumin (2015) Inkhawmpuia pawh hian agenda-ah a lo lang leh a, tihlawhtlin a nih leh ngei pawh a rinawm. Central Kohhran Hmeichhe Committee chuan mi retheite pawh an nat ve thin tho avangin hetiang mite dinhmun hi ngaihthah chi a ni lo va, he rawngbawlna hi Lal Isua rawngbawlna chhunzawmna pawimawh takah ngaiin an ngaihlule hiin Pi Lalpianthangi, Central Kohhran Hmeichhe Committee General Secretary chuan a sawi.

□ **Zin**

- ◆ March 5 - 9, 2015 hian Biateram Synod Inkhawmpui, Saipung, Meghalaya-a tel turin Rev. Lalzuithanga, Senior Executive Secretary leh Upa Ngurtinchhinga te an kal.

Contd...

- ♦ March 4 - 9, 2015 hian KJP Synod Sepngi Inkhawmpui, Rangthong, Meghalaya-a tel turin Rev. Dr. R. Lalbiakmawia, Finance Officer leh Upa H.D. Vanlalruata te an kal.
 - ♦ March 5 - 9, 2015 hian Cachar Hill Tribes Synod Inkhawmpui, Haflong-a tel turin Upa Ronghaka, Synod Secretary (Jr.) leh Rev. R. Lalchangliana, Director, Revival Department te an kal.
 - ♦ March 6 - 9, 2015 chhung hian Hmeichhe Inkhawmpui Lian vawi 46-na, Mamit-a neih turah Rev. Lalramliana Pachuau, Executive Secretary leh Pi Lalrinthangi, Asst. Superintendent te an kal ang.
- **Presbyterian Kohhran Hmeichhe Inkhawmpui Lian vawi 46-na**
 March 6 - 8, 2015 chhung hian Mizoram Presbyterian Kohhran Hmeichhe Inkhawmpui Lian vawi 46-na chu Mamit GSA Playground-ah neih a ni dawn a, Mamit leh Hmunsam Bialin an thleng dawn a ni.
 Inkhawmpui thupuiah **'I nunna turin tlan chhuak rawh' (Gen. 19:17)** tih hman a ni ang a, Speaker atan Rev. Vanlalzuata an hmang ang. Inkhawmpui chhung hian **Thupuan 2 & 3 'Kohhran 7-te'** tih zirho a ni dawn a, NI. Lalzuimawii Tlau, M.A., B.D, Synod Higher Secondary School-in a zirpui ang.
 March 6, 2015 (Zirtawpni) hi Palai thlenkim ni a ni a, zan inkhawmah Palai lawmna & Reports ngaihthlak a ni ang a, Synod Moderator Rev. Lalrinmawian Pathian Thuchah a sawi ang. March 7, 2015 (Inrinni) hian Hmunsam Kohhran Biak Inah Rorel a ni ang a, tun tumah hian Central Committee atanga thu lut 2, Bial atanga thu lut 14 leh floor-a kal zel lova inhrilhfiah tur engemaw zat a awm bawk. Rorel hlan hian palai ni lo tan pandal-ah inkhawm a awm ang a, Pi Lalzuiliani, Missionary, Karimganj-in Pathian thuchah a sawi ang. Chawhnu lamah Thupuan 2 & 3 'Kohhran 7-te' tih thupui zirho a ni ang a, NI. Lalzuimawii Tlau, M.A., B.D. in a zirpui ang. Inrinni zan atanga Pathianni zan thleng Pathian biak inkhawm neih thin a ni ang a, Pi C. Lalhmangaihi, Chairman leh Rev. Vanlalzuata, Speaker ten Pathian thuchah an sawi ang. March 8, 2015 (Pathianni) chawhma inkhawmah Rev. Lalramliana Pachuau, Executive Secretary i/c Kohhran Hmeichhia-in Kristian Chhungkaw dinhmun tehnaa ti tha hnenah Trophy & Certificate a hlan ang a, zan inkhawmah Synod Moderator Rev. Lalrinmawian Hruaitu tharte hlanna hun a hmang ang.
 Inkhawmpui chhung hian zing tawngtai inkhawm neih thin a ni ang a, zan inkhawm banah thu leh hla hmangin inpawlhona neih thin a ni bawk ang.
 Presbyterian Kohhran Hmeichhe Inkhawmpui Lian programme hi Synod Information & Publicity Department (Synfo) ten video-in an cover ang a, LPS & ZONET Cable TV-ah Live a pekchhuah tum a ni. Inkhawmpui Programme kimchang pheh hnungah tarlan a ni.
- **MSSU**
 March 7, 2015 (Inrinni) hian Sihphir Kohhranah Sunday School Zirtirtu Training neih a ni dawn a, training neihpui tur hian T.Upa Lalthahluna Ralte, MSSU Asst. Coordinator; Upa Lalchhuanawma, Zuangtui leh Upa C. Lalbiaksanga, Zemabawk North (MSSU Trainers) te an kal ang.
- **Synod Mission Board**
 ♦ **STUTI GEET LEI THEIH TA** : Hun eng emaw chen lei tur a awm loh hnuah tunah hian STUTI GEET chu lei theihin peih a ni leh ta. Masihi Sangati Kendra, Bawngkawn atangin bu khat Rs. 60/- in lei theih a ni e. Synod Office atang pawha lei theih tura hma lak mek a ni bawk.
 ♦ March 2 - 13, 2015 chhung hian Field Committee neiin Arunachal & Assam Mission Field 'East' & 'West' leh Assam Mission Field-ah te Rev. P.C. Pachhunga, Executive Secretary i/c Ramthar leh Pu C. Lalzawmliana, Mission Promoter-te an zin mek.
 ♦ Rev. Lalchhuanawma, SMB Secretary hovin Upa J. Zoliana leh Upa Vanlalchung (BEC Members) te pawhin February 28, 2015 - March 5, 2015 thlengin Field Committee leh Field Visit hmangin Barak Area, Cachar Tlangram leh Tripura te an fang mek bawk.
 ♦ March 2 - 7, 2015 chhung hian Pu H. Vanlalchhuanga, Supervisor of Schools chu St. Paul High School, Bairabkunda, Assam Mission Field leh Rowlands Memorial School, Barak Area te tlawhin a zin mek.
- **Music**
 March 5 & 6, 2015 hian Chawngtlai Kohhranah Khuang vuak & Solfa Training neih mek a ni a, hemi neihpui tur hian Pu Lalromawia, Senior Music Instructor leh Tv. Lalchhuanawma, Durtlang te an kal.
- **Kristian Thalai Pawl**
 March 6 - 8, 2015 chhunga Presbyterian Kohhran Hmeichhe Inkhawmpui Lian vawi 46-na, Mamit a neih turah Central KTP aiawhin Dr. Lalliansanga, Asst. Secretary leh Pu Lalhangvunga Sailo, Committee Member-te palaiin an kal ang.
- **Hruaina Eng FM Radio & TV Programme**
 ♦ **MARCH 6, 2015 (FM ZOAWI AIZAWL @ 7:30 P.M.)**
Solo : Fiona - A hnen rawn pan la, **Choir** : Bawngkawn Pastor Bial Zaipawl - Mawlsawmna danglam, **Thuchah** : Upa R. Lalmalsawma - Kut ni vang thla, **Duet** : Lalnunsanga & Judy Lalhmangaihzuai - Tui hna thar, **Band** : City Of Lights - Ka zalen ta
 ♦ **MARCH 6, 2015 (FM LUNGLEI @ 7:30 P.M.)**
Solo : Fiona - A hnen rawn pan la, **Choir** : Bawngkawn Pastor Bial Zaipawl - Mawlsawmna danglam, **Thuchah** : Upa R. Lalmalsawma - Kut ni vang thla, **Duet** : Lalnunsanga & Judy Lalhmangaihzuai - Tui hna thar, **Band** : City Of Lights - Ka zalen ta
 ♦ **MARCH 8, 2015 (Tv Programme) @ 3:00 p.m.)** :
Zaipawl : Bethlehem Kohhran Zaipawl - Isua min hruaitu, **Sermon** : Upa K. Zoremsanga - Um rawh, **Playback** : KTP Rorel Inkhawm 2015 (Pathianni Zan Fellowship)
- **Susamachar Prasaran Programme**
 ♦ **MARCH 8, 2015 (Pathianni) 5:00 pm. Hindi Gospel Programme (Susamachar Prasaran)** :
Group/Choir/Solo : Durtlang Masihi Sangati - Mere guna, **Group/Choir/Solo** : Sihphir Vengthar Masihi Sangati - Ishu Tum He, **Sermon** : Rev David Lalramliana Ralte - Hum Parmwshwar ke santaan, **Group/Choir/Solo** : Khatla Masihi Sangati - Ishu Tera Wada, **Group/Choir/Solo** : Luangmual Vengthlang - Shristi
- **Moderator Programme**
 Synod Moderator Rev. Lalrinmawia chuan March 6 - 8, 2015 chhung hian Presbyterian Kohhran Hmeichhe Inkhawmpui Lian vawi 46-na, Mamit-ah a hmanpui ang a, March 9, 2015 (Thawhtanni) ah Aizawlah a lo let leh ang. *Contd..*

MIZORAM PRESBYTERIAN KOHHRAN HMEICHHE INKHAWMPUI LIAN

VAWI 46-NA

A hun : March 6 - 8, 2015
A hmun : GSA Playground, Mamit
Thupui : I nunna turin tlan chhuak rawh Gen. 19:17
Speaker : Rev. Vanlalzuata
Thuzir : Thupuan 2&3 'Kohhran 7-te'
Zirtirtu : Nl. Lalzuimawii Tlau, M.A., BD
 Synod Higher Secondary School

DT. 6.3.2015 – ZIRTAWPNI : THLEN KIM NI

6:30 P.M. : PALAI LAWMNA LEH REPORT

Hruaitu : Pi C. Lalmangaihi, *Chairman*

Tantu : Pi Lalnginglovi, Zamuang Bial

Reports : 1) General Secretary
 2) Bial Report Khaikhawm

Thuchah : Rev. Lalrinmawia,
Synod Moderator

Zaipawl : 1) Kawrtethawveng Bial Kohhran Hmeichhia
 2) Sairang Bial Kohhran Hmeichhia

Sawitu : Rev. Vanlalzuata

Kristian Chhungkaw Dinmun Tehna Trophy & Certificate Hlanna

Hlantu : Rev. Lalramliana Pachuau,
Executive Secretary i/c Hmeichhia

Zaipawl : 1) Synod Choir
 2) Mission Veng Bial Kohhran Hmeichhia

Dt. 7.3.2015: PALAI ROREL (Dar 9:30 A.M.)

A hmun : Hmunsam Kohhran Biak In

Inrinni : Rorel hlân inkhawm (Dar 10:00 A.M)

Hruaitu : Pi H. Lalthungliani, Chairman
 Mamit Pastor Bial Kohhran Hmeichhia

Tantu : Pi Vanlalbiaki, Zaita Bial

Thusawitu : Pi Lalzuiliani, Missionary Karimganj

Zaipawl : 1) Saitual Bial Kohhran Hmeichhia
 2) Thingdawl Bial Kohhran Hmeichhia

PATHIANNI CHAWHNU DAR 1:30 P.M.

Hruaitu : Pi Rochuangkimi, *Vice Chairman*

Tantu : Pi Lalbiakthangi, Ratu Bial

Greetings : LIKBKHP

Thupui : I nunna turin tlan chhuak rawh

Thusawitu : Rev. Vanlalzuata

Zaipawl : 1) Reiek Bial Kohhran Hmeichhia
 2) Kolasib Venglai Bial Kohhran Hmeichhia

THUZIR : DAR 2:00 P.M.

Hruaitu : Pi Lalsangpuii, Chairman
 Hmunsam Pastor Bial Kohhran Hmeichhia

Tantu : Pi Sangthuami, Lungleng I Bial

Thuzir : Thupuan 2&3 'Kohhran 7-te'

Zirtirtu : Nl. Lalzuimawii Tlau, M.A., B.D

Zaipawl : 1) Sumsuih Bial Kohhran Hmeichhia
 2) Chhingchhip Bial Kohhran Hmeichhia

PATHIANNI ZAN DAR 6:30 P.M.

PATHIAN BIAK INKHAWM

Hruaitu : Pi C. Lalmangaihi

Thupui : I nunna turin tlan chhuak rawh

Sawitu : Rev. Vanlalzuata

Hruaitu thar hlan

Hlantu : Rev. Lalrinmawia, *Moderator*

Zaipawl : 1) Venghlu Bial Kohhran Hmeichhia
 2) Mamit & Hmunsam Pastor Bial
 Zaipawl infin

6:30 P.M. : PATHIAN BIAK INKHAWM

Hruaitu : Pi Rochuangkimi, *Vice Chairman*

Tantu : Pi K. Zodinsangi,
 Khawlailung Dinthar Bial

Thuchah : Free Sermon

Sawitu : Pi C. Lalmangaihi, *Chairman*

Zaipawl : 1) Phullen Bial Kohhran Hmeichhia
 2) Tlangnuam Bial Kohhran Hmeichhia

ZING TAWNGTAI INKHAWM : DAR 6:00AM - 7:00AM

INRINI ZING

Pi Ramngaihsangi, Central Committee Member

PATHIANNI ZING

Pi Lalrindiki, Central Committee Member

ZAN INKHAWM BAN THU LEH HLA-A INPAWL HONA Z

INRINNI ZAN

Hruaitu : Pi Vanlalthuangi, Finance Secretary

PATHIANNI CHAWHMA INKHAWM BAN INPAWL HONA

Hruaitu : Dr. Vanlalhruaii, Asst. Secretary

Thupui : Women Centre

Thupuisawitu : Pi Lalfakmawii, Co-ordinator
 i/c Kohhran Hmeichhia

PATHIANNI CHAWHMA DAR 10:00 A.M.

Dt. 8.3.2015: PATHIAN BIAK INKHAWM

Hruaitu : Pi C. Lalmangaihi, *Chairman*

Tantu : Pi H. Lalthianghlimi
 Champhai Vengthlang Bial

Sunna : Pi Liankimi, *Central Comt. Member*

Thupui : I nunna turin tlan chhuak rawh

PATHIANNI ZAN INKHAWM BAN ZAIKHAWMPUI

Hruaitu : Pi C. Lalneithangi, Treasurer

Note :

- Inkhawmpui Lian Rorel-a tel turin Bial aiawh mi pahnih theuh tirh tur a ni.
- Inrinni zan inkhawm banah thu leh hlaa inpawl ho a ni ang.
- Pathianni zan inkhawm banah hlaa inpawl ho a ni ang.
- Inrinni zan inkhawm atangin thilpek lak khawm a ni ang.
- Bialtinin a thlengtute theih ang angin tanpui leh theuh nise.
- Inkhawmpui Liana chanvo nei zawng zawng tan te, a thlengtutur tan leh Inkhawmpui Lian hruaitute i tawngtaipui thin ang u.

RI HRIATNA LEH TAWNG LAMA HARSATNA NEITE ENKAWLNA

Synod Hospital, Durtlang chuan ENT Department-ah hmasawna a nei thar leh ta. R. Lalhmachhuani, Audiologist - Ri hriatna leh tawng lama harsatna enkawlna lama mi thiam chuan February 23, 2015 atangin hna arawn zawm thar ta. Beng leh tawng lama harsatna nei te, a bikin ri hriatna tha lo test ngaite tan pan theih a ni e. Ni tin OPD-ah inentir theih a ni.

Sd/-
Director
Synod Hospital

PATHIAN THU ZIR DUH TAN

Presbyterian Bible School, Mission Veng-ah Session 34-na atan Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chungin Rs. 10/- a lei theih a ni
Dil hun chung : April 30, 2015 (Ningani) tlai dar 3:00 thleng
Dil thei chin : Class VII passed, kum 16 chin, Kohhran dan chung awm
Interview : May 1, 2015 (Zirtawpni) chawhma dar 10:00
Class tan hun : May 5, 2015 (Thawhlehi)
Zir hun chung : May - August, 2015
Stipend : Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. 9436198231/2317343/2325082-ah zawh theih a ni.

Sd/-
REV. LALNEIHVURA
Principal, PBS

CMC VELLORE SPONSORSHIP DUH TAN

CMC Vellore-ah 2015 - 2016 atan MBBS, B.Sc. (Nursing), AHS Degree dil theih a ni a, Online-a apply tur a ni. Heng dilte tan hian Sponsorship dil theih a ni a, a hnuai hming ziak hnenah hian dilna plain paper-a zia kin March 20, 2015 (Zirtawpni) thleng General Office, Synod Hospital, Durtlangah theih theih a ni. Dilnaah hian Kohhran lehkhathil telin Application Number tarlan tel tur a ni. Hrechiang duh tan zawhfiah theih a ni baw. March 25, 2015 (Nilaini) dar 11:00 a.m.-ah Synod Hospital, Durtlangah interview tur a ni.

Online-a dilna tur : <http://admissions.cmcvellore.ac.in>

Sd/- Director
Synod Hospital

SYNOD HOSPITAL NGENNA LEH HRIATTIRNA

Synod Hospital-a Dam lo Record-te chinfela, a tul anga senghawi hna thawh a tul avangin kum 1987 May thla hnulama Damlo file (Record) kan siam saka kan vawn thinte, mahni in lam leh hmundanga thi engemaw zat awmin kan hria a. Chutiang mi Synod Hospital pawnlama thite chu an chungten rawn report turin kan ngen ngawt mai a ni e. Min lo tanpui theih chuan kan lawm hle ang.

Contact No
0389-2361222 / 0389-2361183

Dr. Vanlalruata
Director, Synod Hospital

SYNOD BOOKROOM BOOK NEWS FOR THE MONTH OF MARCH 2015

♦ Our Daily Bread (Mizo) - Dina Chawngthu lehlin	Rs. 150
♦ Naupangte thian -2: - By V.L. Hmangaihzuazeli	Rs. 80
♦ Hnehna nun kawng - Bill Chamhlira lehlin	Rs. 60
♦ Trinity nge Oneness - By H. Joseph Lalfakmawia	Rs. 200
♦ A thlawnin in hmu a, a thlawnin pe ang che u - By Lalnunmawii	Rs. 50
♦ Tui mal far - By K. Laldinthara	Rs. 100
♦ Nunna Hru - By C. Laizawna	Rs. 50
♦ Men are from Mars, Women are from Venus - Malsawmdawngliana lehlin	Rs. 100
♦ Army Recruitment Guide - By R. Lalhmangaihsanga	Rs. 150

KULIKAWN PRESBYTERIAN KOHHRAN CENTENARY SAWMNA

Kulikawn Presbyterian Kohhranin kum za tlin (Centenary) lawmna, April 12, 2015 atanga July 17, 2015 thlenga a neih tur leh a kharna programme July 17, 2015 atanga July 20, 2015-a neih turah hian min rawn hmanpui ve ngei turin Kulikawn Presbyterian Kohhran member lo ni tawh zawng zawng kan sawm a che u. A fluanchhuaka tel hman loh pawhin hman remchan hun apiangah in rawn tel ve ngei kan beisei a. Centenary Ruai pawh min kilpui ngei turin kan sawm a che u.

Sd/-
Secretary
Kulikawn Presbyterian Kohhran